

mas-chalch da Ftan

nr. 6 / 23 gën 2009 / l'organ da publicaziun dal cumün



Sains

Causa sanaziun cumpletta nu sun ils sains in funcziun dals 22 gën fin als 30 lügl 2009.

Comunicaziun

Tenor l'artichel 10 da la constituziun cumünala ha mincha commember e commembra d'üna autorità cumünala chi's vuol retrar, d'inoltrar sia demischiun fin als 1. avuost.

La cancellaria cumünala.

Faira a Ftan

Finischun da scoula e scouline cun exposiziun da las lavuors in stanza da scoula.

In gövgia, als 25 gën a partir da las 18.00 sün piazza da scoula. (In cas da trid'ora in sala da gimnastica).

I dà liongias, panins e tuorta.

Tuots per tuots (Plütschessa)

In sonda, ils 11 lügl organisaina darcheu "tuots per tuots".

A regard il program detaglià vain dat oura ün fögl volant a tuot la populaziun.

Examens per possessuors da chans

Eir quist on vain sport a tuots interessats l'examen per possessuors da chans. Quel ha lö als 18 lügl 2009 a Ramosch / Panas-ch.

Gruppa da chans da chatscha.

Exposiziun Edgar Vital

Quista stà ha lö ün'exposiziun dal cuntschaint pittur indigen Edgar Vital.

L'exposiziun düra dals 25 lügl fin als 9 avuost, in chasa da scoula.

La vernissascha es in venderdi, ils 24 lügl a partir da las 17.00.

Dürant quist temp sun la sala cumünala ed eir il palc occupats e nu pon gnir dovrats.

Daplü infuormaziuns: www.ftan.ch

Giantar da cumpagnia

Prossem mardi, ils 30 gën vaina darcheu il giantar da cumpagnia. Nus ans allegrain da Vossas annunzchas fin sonda ils 27 gën 2009, tel. 081 864 01 33.

Da Vossa visita s'allegran Cilgia e Balser cul team da la Bellavista.

Preavis, auazun artificial i'l Spöl

Il lai da serra ad Ova Spin es gnü arschantà l'ultima jada dal 1995. Per pudair garantir eir i'l avegnir la sgürezza dals organs da sgürezza esa darcheu d'arschantar tal. Il schlavamaint es gnü planisà in stretta collavuraziun culs organs respunsabels dals uffizis chantunals, scienziats è'l Parc Naziunal.

Cundiziun per pudair effetuar ün tal schlavamaint es, cha'l defluss da l'En a S-chanf es daplü da 70 m³/s, quai correspuonda ad ün' auazun annuala.

In vista a l'augmoint da temperatura pels prossems dis, vaina dumandà a l'uffizi per la natüra e l'ambiant chantunal il permiss per cumanzar cul schlavamaint a partir da dumengia saira ils 14 gün 2009, e vain surgni tal. Cul schlavamaint s'augmointa l'aua il Spöl dad 1 m³/s fin a 80 m³/s.

Eir l'aua da l'En s'augmointa correspondentamaing pervi dal auazun surmanzunà. Quist augmoint ha lö cun ün retard da ca. 1 ura (Zernez) e ca. 7 uras (Martina) eir i'l En suot l'imboccadüra dal Spöl a Zernez. L'intuorschamaint vain controlladamaing augmantà sur las valuors d'ün simil auazun natüral.

Causa chi vegnan per part eir mobilisats deposits organics poja succeder, chi spüzza in vicinanza dal Spöl e l'en. Per quistas eventualas emissiuns inevitablas speraina sün l'incletta dal pertocs e'ns s-chüsain ouravant.

Il schlavamaint dürarà ca. 4 dis. Nus avertin a tuot ils pertocs, cha'l privel dürant quist temp s'augmointa considerabelmaing, e quai per tuot ils trattegnimaints in vicinanza e sün l'aua da l'auazun.

Sün basa da las previsiuns actualas da l'ora e dal defluss cumainzarà il schlavamaint pücofazil in lündeschdi, ils 15 o mardi ils 16 gün. Il cumainzamaint da l'arschantada vegn communicchà a cuorta vista per fax e / o mail.

Per ulteriuras dumondas etc. as po s'adressar a nos post da cuomond a Pradella tel. +41 81 851 42 11.

Cun cordials salüds
Ouvras electricas d'Engiadina SA

THE FANCY FIDDLERS

Concert violina & cello in
accompagnamaint da clavazin

Uffants e giuventüna da l'Ollandia sun giasts a l'Institut Otalpin e dan concerts suot la bachetta da Corsie Wijzenbeek.

Datas:

Mardi 30 gün 2009 baselgia Ftan
Sonda 4 lügl 2009 Institut Otalpin

Urari: 20.15 h entrada libra (collecta)

Infos: tel. 081 861 22 11 www.hif.ch
www.fancyfiddlers.nl

Uraris cancellaria

- Lündeschdi fin venderdi da las
14.00 a las 16.00.

- Il capo es preschaint in büro il mardi
e'l venderdi da las 14.00 a las 16.00.

Publicaziuns pel prossem mas-chalch
piglia incunter la cancellaria.

Fin da redacziun es als 18 lügl 2009,
17.00.

e-mail: ftan.chanc@bluewin.ch
internet: ftan.ch
